

鈴

山

堂

集

鈴山堂集卷第十二目錄

詩

丙申孟夏蒙恩以禮書兼學士領史職初入東

閣有作

奉和 聖製西苑觀蓮

聖駕朝陵歌

駕祀七陵奉勑告守京城即事有述

居守京城贈同事靖遠伯王公

曉登 長陵陪祀

宿 景陵朝房作

奉命視部篆履任奉圭挂翁少傅

攝事西陵行次舊功德寺作

西山雜詩

遣祭 皇子於西苑長春宮是夕寓宿苑中紀

述

奉和師相序翁閣中盆荷初開

被旨待朝鮮使臣宴

侍讀屠文弁奉使汴藩便道過家省覲賦贈

九月十日同淺川會桂洲宅席上次韻

元夕學士未翁宅燈宴次韻

讌錢大司徒李公於禮部次留別韻

寄朱給諫伯雨

同年張少參兄挽詞

贈袁西園節推

贈蕭二守赴任濟寧

送進士盧本伯宰嘉興

送楊惟明

同顧學士於神樂觀賞牡丹

聽歌玉娥兒詞

和少傅相公西苑化歸之作

和少傳相公

景神殿上香

送李正郎之廣右提學

贈用之

贈呈立赴曲江丞

送陳子新知州

和少傳相公九日邵園集飲

登報國寺閣次韻

送虞大理侍養南歸

少傳桂翁寄黃太史伯真余同作

感述

得中峯之宰書却寄之

報國寺閣餞都憲白川周公還南京

鈐山堂集卷第十二

詩

南宮集

升菴楊慎評點

丙申孟夏蒙恩以禮書無學士領史職初入東

閣有作

碧霄何意得重攀九轉丹成列上班金簡玉書題冊
府霧牋雲閣住蓬山擬修麟史才難稱自領冰銜夢
亦閒講幄舊臣江海別濡毫猶得奉天顏

奉和 聖製西苑觀蓮絕句

匝岸細荷萬蓋新翠華初駐綠池清皆言今日風光

卷之二十一
好宿雨全消御路塵

水容花色競鮮新
綺榭珠樓天漢濱
正值早秋風露澹
涵空一鑑淨無塵

聖駕朝陵歌

閣道朝懸日月旗
歲蕤朱鳳引文螭
橋陵霜露脩殷祀
原廟衣冠陋漢儀

沙河士馬若雲屯
萬姓環門識至尊
青天突起迎鑾殿
此地今爲駐蹕村

萬折沉沉片月前
龍旂不動宿寒烟
起傍營門瞻北斗
休氣榮光燭遠天

山東紅門勢若蹲登登石路入雲根穹碑層攢半天
起聖德神功萬古存

神宮鐘動啓金扉祝帛祠官候袞衣風靜燎凝煙靄
靄林深松裏霧霏霏

陽翠高高萬壽宮蜿蜒崑崙擁虬龍瑞日乍停雙鳳
輦絲雲長護萬年松

遙望慈輿寶扇張帷宮初進紫霞觴聖人愛日心無
倦轉覺銅龍晝漏長

太師少傅承恩重造膝三臣對夜分銀璫遣賜人皆
羨前席論言世莫聞

駕祀七陵奉勅居守京城即事有述

鳳城樓堞隱寒空玉帳旌麾曉風新菊凝香隨步
輦靈峰積翠遙離宮龍雲瑞氣來皇邑霜露秋容感
聖衷芸閣侍臣勞簡命擁旄持節愧何功

畫戟連營警衛重翠華今夕駐行宮朝頒璽勅綸言
重夜鎖金城節制雄風清刻漏來天上霜白星河遠
集中皇德萬年同郊鼎漢家誰數貳師功

居守京城贈同事靖遠伯王公二首

居留藉總戎簡命冠羣公斧鉞行軍令詩書振祖風
玉鞭光指月龍劍氣成虹迂薄欣熙事多慚衛霍

徵詩書
公驛也

白馬玉連環城巡遍九關月臨霜仗肅風裊成旗間
閣道星辰上橋陵霧靄間明朝書笏記同候屬車
還駕還京居守官致詞奉迎賜酒飯

曉登長陵陪祀

絳節霓旌擁聖君翠崖丹壑上層雲松林日出浮
佳氣沙塞霜飛淨遠氛瑤草總承恩露重黃花猶傍
御爐芬幸隨天仗觀殷祀不向風歌數漠汾

宿景陵朝房作

六載橋陵得再攀石房仍宿翠微間拜瞻松柏驚時

序來往風塵笑病顏幄殿六龍頻駐輦羽林千騎遍
遼山太平儀典今看盛薄劣虛慚侍從班

奉命視部篆歲除日履任奉呈桂翁少傅

亭玉張筵迥袍紺擁綬新丹霄通雨露華省切星辰
拔擢慚非分遭逢慶此身所希陽道泰明日萬方春

省中來玉亭
少傅公所題

二

南省今重入春陽動粉闌氣隨驚谷轉花傍雪筵飛
簷署更新榜廳槐過舊園總多耆俊在虛薄冒恩鄉

三

少傳知予父交承分愈親聖朝無闕典徇力繼先君
憇閣棠依席尋許鶴近人極知三禮重夙夜奉惟寅

四

弱冠遊文苑載筆逐時英敢期周典禮仍備漢公卿
辛苦思身事恩榮荷聖明坐憐松雪晚真有歲寒情

攝事西陵行次舊功德寺作

湖寺春裡到高秋得重尋川原通遠色巖嶂鎖寒陰
雙息塵中駕猶憐物外心彩雲松柏裏長候翠華臨

二

蘋際冷風起颯然湖上秋遠波明島嶼層霧隱林丘

鳥下溪田熟鍾鳴谷寺幽馳驅念子役心賞若爲酬

西山雜詩

本朝陵墓壯西山松柏神宮未可攀獨有中官奉祀
石房煙火翠微間

玉匣珠襦掩夜泉世人那見鶴歸年秋來十里金山
道華表參差夕照前

無窮臺殿倚山根土價黃金向此消常侍不來僧獨
在遊人還自說先朝

澗松巖石蒼秋蘿薜看青山寺寺過歸鳥數行西山
外樹煙橫碧晚鍾多

方池湧出玉流寒耐可溶溶一鑑覽塵事駢人留不得欲歸還復倚闌看

金代遺蹤寄草萊湖邊猶識釣魚臺沙鷗汀鷺尋常在曾見龍舟鳳舸來

湖上閑雲對草亭藜葭淅瀝暎寒汎千峰萬壑看難盡白鳥雙飛入翠屏

萬峰蒼翠入雲端極目江山此巒盤地隱西湖成澤國天開薊苑作長安

白羊山路白雲中鳥道半腸一線通豈有胡兒能牧馬萬年天險限華戎如此玉函獨松湖上白羊四首

豈成

盛唐

遣祭 皇子於西苑長春宮寓宿苑中紀述
望見飛虹白玉橋水過臺殿影青霄那知苑內來留
宿月白霜清共此宵

西內新移 皇子喪禮卿臨奠捧 宸章蕙肴蘭醑

曾來享轉益

皇情一倍傷

上親製文日遣
禮卿嵩致祭

繚繞香花覆玉幢瑤壇夜醮禮虛皇可憐今夕長春

殿坐聽經聲月轉廊

高殿虛廊燈燭光殘河欲沒樹蒼蒼長安萬戶簪纓
裏不信蓬萊刻漏長

奉和師相序翁閣中盆荷初開是日翁六載考

續

芙蓉香藹玉堂風麗彩還迷曉日紅天禁移根恩木
異蓬山歌瑞句尤工凌波雜珮搖湘岸擎露金盤出
漢宮願借碧觴留勝賞况逢黃閣奏元功憲廟自禁
中移植于此

綸閣揮毫坐水風晴花新上賜袍紅物華自解呈嘉
瑞袞職惟應代帝工天上恩波涵鳳沼簾前香霧隱
仙宮極知退食從容地調燮全收鼎鉉功

被旨待朝鮮使臣宴

百伎充庭奏管絃大官供饌列芳鮮島夷職貢虔臣
節天驛恩華寵御筵寰海車書應會極聖朝功德
正齊天微臣邦禮叨從事拜舞重歌既醉篇

五位衣裳坐聖人殊方玉帛走蕃臣海嶺日出頒
封舊閭闔雲開獻壽新增羽舞時知舜德衝尊斟處
荷堯仁皆言夷夏爲家日同醉鈞天湛露春

皇儲大慶侍讀屠文升告賜汴藩便道過家省

觀賦贈

誕瑞元良重頒書郡國遙使旌旄玉署皇澤霈丹霄
寶服雲龍麗宸章日月昭宗藩均慶賜寰海遍歡謡

暨繼方歌啓男多競祝堯天枝干葉茂璇律萬年謳

才子華簪稱詞林俊望超鳳毛呈異彩瓊樹挺清標

麾節梁園道風煙洛水橋染衣塵駿駿鳴驛馬蕭蕭

汴寺連雲起河水逐見消帆津凌流澗展嶽上芳堯

覽勝才能賦尋幽會歷招龍梅引細李渠柳變芳條

禾里山連舍江門月皎潮宮袍裁畫錦壽酒注春飄

戀別頻看劍承歡更駐輶起居榮八座封錫賁三朝

氣挾湖山動恩垂雨露饒筵開青鳥度樂奏紫霞飄

白髮仍將母青官特簡睿禁林春色滿側耳聽回鑣

九月十日同官保浚川會少傅桂洲宅席上有

作次韻

高城過雨浮埃淨東閣留賓綺席開紫罍未呈芳節
菊黃封先出內家醅幽懷晚逕頻移榻醉眼秋山獨
倚臺退令相過應不厭共看名籍在蓬萊

遠憐顏鬢三秋改悵望風煙萬里開病客未能忘野
興玉人猶喜對仙醅霜晴白鴈來沙磧日晚祥鳥下
石臺朱紱繆慙隨恭引可應重問北山萊

元夕學士宋翁宅燈宴次席上諸學士韻

德星池館五雲連翠管銀釤照綺筵伶部按歌傳銘
遜御厨分賜金錢夜看燈月明於晝人在蓬瀛樂

共喜恩波逢聖世願將歌頌答韶年

登堂頓覺消塵思獨樹梅花清傍人物色每驚遊宦
侶風光先透帝城春何郎詩興留東閣杜老酷香送
隔隣歲歲傳觴還此夕綵燈花勝鬪鮮新

仲春五日讌餞大司徒李公於禮部後堂次留

別韻

暖煙晴樹動春妍勝日南宮共此筵宗伯正同周典
禮司農新領漢繙錢金甌姓字需賢佐玉府班儀列
上仙三紀詞林今八座與公重數孝皇年

寄朱給諫伯雨

秣陵煙月歎離居長憶招邀駐第興塵世浮踪難自定故人歡好已全疎尋山寺隱松蘿勝坐竹池涵几席虛別後此心何所寄江鴻頻展八行書

同年張少參兄挽詞

遠書昨歲渡江潮高里驚聞引楚簫莫話對廷弘治日杏園前伴已蕭條

白瑩青銅亦自珍暮年朱板水雲身堂前尚有薇花月不見當時作賦人

贈袁西園節推

昨來同駐潞河舟今去君爲嶺外遊從此向南看

雲山無限水悠悠

宦情離思入風煙
把酒相看各惘然
今日黃金臺下別
與君重會是何年

野性自期盤谷隱
誤恩重作鳳池遊
因君恩逐飛雲去
直到鈴山樓上頭

贈蕭二守赴任濟寧

使君出佐古名州
鉅野婁城接魯陬
庭中好種甘棠樹
他日能將惠化留

銚吹喧喧濟水頭
赤旗纓帽引官舟
津亭送客歸時晚
可得閒登太白樓

送進士盧木伯宰嘉興

慷慨賈生能抗疏，蕭條宓令獨鳴絃。
琅玕貯腹應無數，留取童來侍帝前。

烟水吳門暫駐橈，到官惟有兩程遙。
但教得祿爲親養，不用逢人歎折腰。

送楊惟明

疋馬雙旌逐曉風，楚雲湘水思無窮。
遙知驛路經行處，多在春山萬木中。

同顧學士於神樂觀賞牡丹次韻

何處高吟對物華，石林來訪地仙家。
桃源景勝迷行徑，

昨日船風亭處處花

荏苒風塵度歲華春晴下馬醉誰家官曹出郭應難
數惆悵尊前雙樹花

聽歌玉娥兒詞閣臣應制作也

玉娥不是世間詞龍艦春湖擣御卮問巷教坊齊學
得一聲聲出鳳凰池

宮詞
是
體

和少傅相公西祀歸之作

攝祀元台重乘春淑氣和芳花露早汀曉水烟多
稼穡勤周曠明良協舜歌欲知回袞鳥天路近星河

和少傅相公 景神殿上香

片月斜明古樹蒼玉京樓閣迥含涼神輿欲降浮龍氣寶殿初開引御香直以精誠將祀命極知趨走奉恩光歸來彩筆題新句人世驚看五色芒

送李正郎之廣右提學

冠蓋三春別雲山百粵程草齊疑礙馬花暖欲啼鶯簡擢儒臺重遲迴省署清相知誰復似不盡送君情贈用之

志業平生遠發朝壯茲行過家娛彩服入郡引前旌夕浦船依市春山柳向城楚邦民俗好應懷宦遊情

贈呈立赴曲江丞

童稚情憐硯席親雪窓螢館共悲辛那堪老至思前
事忽向天涯別故人對酒莫辭寒夜醉折梅應寄遠
江春河陽小試君休歎遙聽賢聲慰吏民

送陳子新知州

金陵共爾論文日十載重逢白髮新擢第舊傳三禮
學分符今牧兩州民青楓粵嶠鳴騶遠綠水燕河舉
棹頻南去故交知漸少題書還憶鴈聲春

和少傅相公九日邵園集飲

侯家池館閑芳園上相能來共綠尊看竹未須詢地
主結茅真擬學山村松根坐石雲隨几谷口鳴騶鶴

避軒退食自公多暇日爲將歌頌答君恩

只疑風景是陶園九日閒情對菊尊綠樹籬邊斜有
逕青烟郭外近依村歌聲緩送鸞簫曲仙馭高臨紫
氣軒豈似齊山吟落照共瞻宵漢奉明恩

城東柰有辟疆園座上能虛北海尊慣見漁樵談勝
事勿驚車馬駐深村林風不厭吹烏帽濕水尤宜落
綺軒最喜年豐禾稼熟野人含哺頌君恩

登報國寺閣次官保未齋韻

鶩林朱閣重霄近俯見風烟接地浮金闕觚稜深隱
霧碧山紅樹迥含秋可憐車馬凌東別未羨衣冠覲

首遊人事塵勞難可到鳳城斜日重回頭

送虞大理侍養南歸

賜歸真慰北堂歡色養無心纏達官獻壽總宜萊子服趨朝曾識惠文冠山中逸興思攀桂溪上秋芳詠采蘭聖主恩深閭閻遠幾回清夢憶鳴鑾

少傅杜翁寄黃太史伯真茶同作

忽報遠書傳鳳閣遙憐高客臥雲山青萍綠綺誰應惜藥圃茅堂相對閒長爲風烟增悵望漫於時序感容顏故人擬薦揚雄賦早晚重來謁帝闈

感述

長安滾滾化衣塵，但逐私嗟作宦身。
駿峨眉曾學楚宮人，謾於情事朱絃在。
信有交游白髮新，玉樹上林無限好。
寄言鸞鳳莫相嗔。

得中峯少宰書却寄之

越客初逢得起居，夜燈頻展入行書。
故人滄海身猶健，舊德中朝席尚虛。
世事無端遷失馬，碧山多興欲焚魚。
謝公自有蒼生望，旅逐無能獨愧予。

報國寺閣餞都憲白川周公還南京

來登梵閣諸天上，暫借文觴此日留。
落木寒山琪壁遠，踰花錦石自宜秋。
風塵荏苒催雙鬢，廊廟期凋盡一愁。

音已報旌旗戒明發更攀蘿薜寄清遊

鈴山堂集卷第十二

欽定四庫全書
錢正堂集卷第十三目錄

詩

元會

齋夜二首

人日同鄉宴集

官保顧公吏侍張公被命教文僕承之禮曹知
貢舉顧公有詩紀遇志感余嗣和焉

四月八日欽蒙於長陵召對恭紀二絕

祇役城園覽遊西山寺

平坡寺

寓宿碧雲寺

香山寺來青軒

九日南內召對

奉命視牲

奉勅充知大禮上冊使

書事十三絕

奉和桂翁郊壇喜晴 奉天殿捧詔

歲除日省中晚歸

除夕家宴

元旦賜酒饌

是歲三賤生六十甲子

庚辰退之惟而作

禮部舊無朝房子疏請命工曹特建適春花齊

宿簡張蔡二寅文

扈蹕紀 賜十九首

中丞顧公寄詩次韻答之

賀序翁新第落成

賀桂翁新第落成

冬夜宴別彭太史使楚

春日偶成

贈陳子器

符子太僕出守韶郡賦贈

贈王大常之南京

奉和桂翁閣蓮六花之作

儼山學士以漆鏤八仙盤

庸角酒奉謝

奉酬儼山甬川二學士同年

鉉山堂集卷第十二

詩

南宮韻

元會二首

戊戌

升菴楊慎評點

正元鐘鼓動長安率士朝天若會湍瑞氣先浮百子
殿晴光欲上五辛盤梅風應律韶年麗蔀屋迎陽聖
澤寬先向御簾陳賀表繆司邦禮備春官

紫宸樓閣霧中看寶扇龍旗拂曙寒燕律吹葭錢冰
雪漢庭鳴玉引鶡鶡身當奏對瞻天近世際雍熙報
主難虹渚七廻逢大慶萬方嵩祝一聲歡

時皇第
十子生

齊夜二首

玉漏南宮夜星河迥寂寥輝爍庭雪積冉冉樹烟銷
大禮嚴皇諭清齋蕭署察聖躬傳勿藥凝思睇
丹霄

入院烟霜暝開牕柏檜深地嚴知俗遣夜久覺寒侵
禮樂達明主乾坤抱寸心擁書清不寐風鶴送餘
音

人日同鄉宴集

此日舊傳人共得小堂初喜客相過椒觴柏葉修春
酌錦瑟銀箏起夜歌萬井煙花芳節好百年桑梓故

多正逢休沐堪乘興整駐燈前白玉珂

宮保顧公吏侍張公被命校文僕承乏禮曹知
貢舉予三人者弘治乙丑同年進士也孝

皇賜第距今三十有四年矣顧公有詩紀遇

志感余嗣和焉

三十年前戰藝場最榮今日共春堂恩霑醴宴花明
席詔鎖文闈棘遙墻盡沙金知力健坐闌宮燭覺
宵長鳳池老手夔龍望蚤見華蟲補舜裳

射策當年獨擅場偶慚踈朽亦升堂親承賜第臨軒
陛謾逐看花過苑墻晨鏡照霜華髮改晚葵傾日赤

心長 泰園春草年年綠拭淚瞻天憶袞裳

四月八日欽蒙於長陵殿門左召對

陵殿東頭御幄垂爐烟高拂午松枝中官呼召黃袍坐此是新承顧問時

龍幄近瞻顏咫尺玉音親聽語分明不知何幸紓
皇眷無限依依大馬情

祇役戚園覽遊西山諸寺

東峯西崦鳴鍾近寶刹珠林處處來松逕駐駒僧吹
發石谿流葉寺門開始驚鳥道看難到漸入雲根興
轉催年去尚嗟筋力在夕陽重上最高臺

平坡寺在西山之巔

境甚奇峻巒壁而陟

仰

萬壑爭爲禮侍一至十年矣

入門雙樹欲參天爲禮雲峯一爽然長向首曹迷薄
領忍令心賞負風烟靜聞經梵千林上徙倚蒼茫獨
鳥前再入南宮容鬢改山僧猶記昔遊年

寓宿碧雲寺

樓閣盤蒼巘香燈隱翠微竹間泉溜發臨賞澹忘歸
立沼窺魚泳俯檻見雲飛一向巖中宿蓬心自覺非

香山寺來青軒題

再到層軒坐諸峰盡若迎勁風山木振初日殿鴉鳴

澄廓邀殊觀高閒寄遠情惜無謝客賞況乃趣王程

九日南內召對

重華宮中翠輦來翹鳳樓前彩仗回正是傳宣當九
日賜醪全勝菊花杯

奉命視牲

觀闕層城峻郊宮複道開市烟當樹合炬火逐塵來
牲帖犧人報驅聲騎士催夜歸題笏記候曉奏蓬萊
奉勑充知大禮上冊使連日召對玄極殿

精一堂 文華西室恭紀一首

親勞御筆題宗伯幸際昌期侍 聖人朝發玉書傳

近識夜燔蒼璧助精禋圜丘扈蹕天行肅溫室
畫接親無涯莫報乾坤賜匪懈真忘夙夜身

書事十三絕

爐香拂座月窺簷帶玉袍紲列貴闈爲報四臣宣已
至近前輕揭翠旛簾

南郊冊禮是新儀 聖主從容得面客一一桶前親
指授却教傳與太常知

玄極紅雲捧帝居天牌新製煥金書肇成大享稱嚴
配典禮分明復古初

丹陛前頭催設位祠官祝幣列參差我 皇肇舉無

前禮親率諸臣演大儀

堂開精一連皇極廟寶閣名金題入紫烟自是鈞天難

可到幾回身侍

玉皇邊

百子螽斯望接連名三官

皇家胤嗣本無延行從毓德

宮前過知是軒龍啓瑞年

太子宮也

右披籠燈半掩門對回玄極已宵分遲迴暗記

絲綸語此語人間未遣聞

每夜燒燈頻草奏夜分直到御前開中官門隙爭

傳通知是南宮禮疏來

法駕前陳炬火開千官騎從出蓬萊勑使殿頭先授

簡拜冊 南郊當夜廻

星漢昭回夜景澄靈風不動燎烟凝遇望袞衣
獻泰壇高處幾回登

黃瓊設幄傍丘壇絳蠟金爐夜不寒裘黼綰臨催入
對樂章親製賜傳觀

春御傳詔捧雲盤日照金龍繫絲竿十道使華旛命
出萬方雷雨布恩寬

黃綾寫頌奏金鑾舞典新成際會難御筆已批留史
館又教抄在禁中看

奉和少傅桂翁郊壇喜晴 奉天殿捧詔

冬禋麗日輝晴晝聖主精誠信格天已向卿雲歌舜
瑞還將華嶽祝堯年皇風渾噩追三代陽德亨嘉進
衆賢獨有相臣分莫獻紫壇簪珮上鑪烟

奠璧南郊祀九成肇陳瓊冊薦鴻名萬方濺澤頒皇
詔五夜精禋竭聖情淑氣正隨葭管動日華先上袞
衣明殿頭鵠立知元輔親佐唐堯致太平

大享欣瞻聖典成惟寅愧忝秩宗名詔從廷授叨餘
寵詩得緘題荷故情繆墮鷄鷺顏方覲每奉瓊瑤眼
倍明豈意陋庸遭盛際與公親見泰階平

歲除日省中晚歸是日上手札曰諭秩宗有

光祿酒饌之賜

樓雪官烟暮景斜手封儀跪未收衙
君王賜得詩年酒助與椒觴夜頌花

御札十行勞賜諭秩宗三禮愧非才不知何語堪聞
聖蹟對晡從閣裏迴

除夕家宴喜弟姪遠至

京華屢見流年換弟姪新從故里來乍覩別顏應自
喜細論鄉事轉堪哀盃浮綠蟻圍樂坐花覆銀缸爛
熖開薄劣誤承 皇眷厚滄江空問釣魚臺

元旦賜長春酒并光祿酒饌

金匱當集
卷三
宮釀玉饌連翩送勅向天厨賜五臣酒出長春名本
異賜當元日寵尤新仙桃醉領東風暖豐草恩霑湛
露均願奉陽和同壽域還歌天保答皇仁

是歲己亥予賤生六十甲子矣感遇述情而作

此詩

幸到六旬初度日衆中吾亦白頭人濫隨鶡序升朝
父謾對椒花獻壽新樽榦豈堪爲巨室草心長許奉
陽春楚山風樹思親淚魏闕星霜報主身

禮部舊無朝房予疏請命工曹特建蓋異數也

落成春祀齋宿奉簡張蔡二寅丈

直膺新敞禁垣西宮月臨憲苑風齊玉漏暗聞鶯
報碧梧春借上林樓殊恩正荷憐蒙賜勝蹟湏通歲
月題鷓侖同心俱雋望五雲簪珮得相携

玉樓金閣弦東西咫尺官城北斗齊峰遠雪雲迷夕
望庭幽鳥月伴寒棲遲迴省署年頻改惆悵春襟句
自題夙夜此身憂責在綠尊虛負碧山携

曉星殘月在簷西起望天街簇仗齊瑤雪靜含鵝鵠
影紛雲深護鳳樓南宮禮樂逢昌運上苑烟花續
舊題誰信燒燈催草奏每看堂印夜中携

扈蹕南巡自出京至在途蒙恩賚諸物各恭

紀一絕以志榮感其酒饌牲品等物尤多蓋
不能悉紀也

賜大紅羅飛魚服

駕發日
左順門宣賜

宮羅五綵出天機錦浪神魚燭滿衣知爾乘雲露頭
角便從天上赤龍飛

賜方袋銀

駕發日
賜

芙蓉爲畫錦爲刃筋銀瓢揔繫將已是三廻霑

御賜每隨天仗

恩光

賜壓袋銀錢

安肅行官賜大小十
二文文日嘉靖年
月

御帑朝分壓袋錢白金新鑄倍光鮮五銖永作人

寶四字今題嘉靖年

賜銀鍍金酒盃盛以沙金漆盤

真定行宮賜

銀盃捧出競傳看色間黃金映赤盤長路風塵勞
聖念宮醪引滿不辭乾

賜御筆詩

三月朔禁澤渡河御製七言絕一首書賜五臣各一福

灑翰親承御榻前聖皇初迷渡河篇祗應百世載
爲寶此是南巡扈蹕年

賜梅蘇丸

途中凡數易

煉蜜調梅細作丸白凝霜雪盡團圓馬上探囊時
嚼送得清香入肺肝

賜解勞湯

鈞州行宮御藥

一累日解勞湯

歷歷山川信所遭馬前塵土滿征袍服勞自是微臣
義藥裹深蒙

賜解勞

賜綵裝松竹梅鸞帶

綵裝鸞帶倍鮮華面授行宮拜寵嘉爲勗歲寒同
節操竹青松翠間梅花

賜畫面扇并象刻壽仙綵子

襄城行宮賜

五明綵扇製還新象綵銀環價倍珍揮愛虞薰時解
懷捧看宮月近隨人

賜花線絲并金廂寶石提繫

承天賜

五紋織線織條長金作條環七寶裝就中獨有猶
貴觀看中間一線光

賜磁器甌碗十二件

承天賜舊邸所藏批

幾年陶器尚收儲拜賜先皇舊帑餘捧持但覺恩

爲重寶愛深知玉不如

賜御賚銀

途中屢賜白金二百兩餘此銀一錠計五十兩鑄成御賚銀及嘉靖年鑄七字

書生未識箋金富聖主多慚惠養私擬作他年遺
老計買山誰道更無貲

賜馬

承天賜

勅賜天闕玉鼻駢便教騎在 駕前行過都歷塊還
輕健疑有風雲足下生

賜筭尖

武當山中產形如指尖甚奇

上命中官特齋圖一包

解籜龍孫露玉尖分明生就指纖纖靈山異產天家
賜肉食那知此味兼

賜面衣

駕發承天賜拍綢又賜

扈蹕初從江漢歸長途終日馬駢駢冰綃不受紅塵
沈謝得君恩賜面衣

賜袖香

駕發承天賜詔札日用辟途中疊積

龍腦修和集異方官中熏奉 御衣裳自從分得

君王賜袍袖拂歸不斷香

賜煙墩帽并金廂寶石帽頂一座

賜來大帽號烟墩云是唐王古製存金頂寶裝齊戴
好路人只擬是王孫

賜代衣銀

宜城行官召對遇雨衣盡沾濕賜白銀三十兩論札日用以代衣

造膝從容奉 寧言晚來衝雨出宮門賜金爲代衣
沾濕感德身同挾纊溫

賜酒竹葉清真珠紅二品

御厨官酒出黃封碧甌紅香昔未逢共道 皇恩比
春色一分斟處十分濃

中丞顧公寄示長沙道中詩輒次韻答之
保釐風采重臺臣功在朝廷德在民筆底總持三尺
法湖南遙布萬家春盡捐厨傳無煩費還載圖書只
舊貧儒術由來湏世用北山猿鶴可相嗔

賀序翁閑老新第落成

京國園廬三十載新堂今敞相臣居沙堤路迥回蓮
炬棨戟門高擁駟車握髮每延朝客坐濡毫時答
御函書卑棲地接階除近几席追從日未虛

賀桂翁閑老新第落成

相國新開甲第雄平沙隄接鳳池東寶幽龍札來天

朱冕出霧中朝罷御烟攜裘繡吟餘花日上
簾櫳麒麟抱送天應眷看取千年社稷功

冬夜宴別彭太史使楚

別調參差絃上聲燕臺歲晚送君行寒星曙雪催程
遠玉節金書奉使榮宮錦駐輶家暫到楚蘭弭棹賦
初成未能便逐歸驂去猿鶴松關苦繁情

春日偶成

不知身事竟如何無限春心負薜蘿林岫鳥還知力
倦圃亭花發柰風多閒搔短髮從渠變每得新詩祇
自哦憑仗一生忠信力豈驚人世有風波

贈陳子器赴政和令

送君閩海去，把酒意茫然。
邑小尤堪治，才高誰爲憐。
武溪看暮晝，藜嶺入風烟。
萬里遲雙鴈，何年向日邊。

二

二鳥來南國，文章五色奇。
胡然滯遐舉，分飛殊路歧。
夜歌聞白雪，春賞惜瓊枝。
薦禡慚無力，空吟餞別詩。

子器同第于虛文學
並稱子虛今舉進士

符子太僕出守韶郡賦此以贈符子昔嘗作倅
於韶也

韶陽人吏拜旌麾爲政風流記昔時新佩魚符稱刺

丈重來竹馬候童兒花間露冕春行縣燭裏攤書夜
坐帷若見龍頭梅發處因題佳句一相思

過從未厭客長安誰道新恩阻舊歡他日故山還結
社清時榮路且彈冠猶憐寶劍橫秋水自許青松耐
歲寒垂老不堪仍遠別送君惟有勸加餐

贈王太常之南京

廊廟只今公望屬暫勞征旆過江東舊京禮樂仙曹
責瀛海風烟別路重陵祀曉隨鍾阜戶郊巡時掃泰
壇松送君憶我曾遊地惆悵因憐雪上蹤

奉和少傅桂翁閣蓮六花之作

金石錄 卷之三
九重城隔金扉路六萬蓮開玉井花義書正符陽道
泰越妝偏助賞心嘉簾虛翠蓋搖波影閣迥紅香近
日華珍重化鈞調燮在年年芳節瑞天家

儼山學士以漆鏤八仙盤見贈併侑以詩用韻

奉謝

燕肆雕盤價比珍多情投贈况佳人爲盛玉掌擎方
重細酌宮醪賞更新捧愛洞仙朝獻壽醉看歌舞席夜
生春他年綠野堂中物留伴詩翁後樂身

用韻奉酬儼山甬川二學士同年

杏園席上題名處晚歲登朝復幾人空裏浮踪那可

更鏡中華髮自應新
松當雪澗猶含翠
桃熟風流客
記春曾是十年江海別
喜君重到鳳池身

鈴山集卷第十三